

玉

劍

尊

聞

玉劔尊聞

卷之六

常山梁維樞撰

猶子士濟校

賞譽

王麟泉素貧

王用汲號麟泉晉江人登進士歷推官

府同知員外建言爲民起用官至南京刑部尚書

旣與計偕以麥和菜根食之三年李卓吾曰能甘

麥和菜根三年宇宙更何難事

卓吾名贇字宏甫

溫陵人中燠外冷強力任性以孝廉爲姚安太守

政令清簡公座或與髡俱簿書之間時與叅論又
每至伽藍判了公事人怪之致仕客黃安稱流寓
客子自是叅求乘理剔膚見骨少有酬其機者至
麻城築芝佛院以居有三嗜讀書掃地瀟浴其讀
書不以目使一人高誦傍聽之鼻畏客氣客至但
令遠坐一日搔髮自嫌蒸蒸作氣遂去髮獨存髭
鬚禿而方巾著藏書焚書孫子叅同侍御馬經綸
迎之通州著九正易因當道疏上指爲妖人逮詔

獄尋雞髮刀自刎

董玄宰

董其昌字玄宰號思白華亭人成進士改翰

林院庶吉士授編修出補外瀋旋反初服遊戲禪

悅積思文學以書畫見重海內官至南京禮部尚

書

嘗謂陳睂公曰吾曹無他覬博得一活勝人足

矣睂公曰公有三無筆下無疑眼中無翳胸中無
一點殺機皆壽徵也玄宰大笑後玄宰年八十餘
而卒

聞子將

聞啓祥字子將杭州人舉孝廉

問及伯敬友

夏谷之曰伯敬者不是朋友直是終日聳來受用者耳

譚元春字友夏竟陵人舉孝廉好學有俊才

詩文與鍾惺齊名

明卿云卓吾高邁肅潔如泰華崇巖不可昵近聽其言泠泠然塵土俱盡而本人情切物理一一當實不虛

劉元瑞云

劉麟字元瑞南京廣洋衛人登進士疏救

下獄諫官授刑部主事歷員外郎郎中出守
以忤劉瑾廢爲編氓越人頌德肖像爲小劉祠謂
媲美劉寵貧不能歸寓居長興與吳琬施侃龍霓
孫一元結社論道稱湖南五隱楊廷和一日過麟
之門見雙藤倚戶飄香載道驚問曰此內爲誰曰
劉麟也嘆賞而去瑾敗起知西安累遷至工部尚
書劄議建節慎庫致仕栖於坦上灌畦賦詩爲樂
學者稱曰南坦先生卒贈太子少保謚清惠年八

十有八
與太初對風神藻雅令人坐忘

孫一元字

太初秦人嘗棲太白之顛於是稱太白山人此皆
問而知之竟莫知其所自來爲何人一元膚瑩渥
顏飄飄望之如神仙中人世俗物一無好尚獨喜
爲詩有超逸才四遊久之徑吳入越往來越湖間
善說玄虛又善說時事世務吳越人爭訪禮敬無
何病作竟死

徐長谷見人詩文佳則曰此人肚內有丹

徐獻忠字

伯堅號長谷華亭人才高學博著書自娛山孝廉
授奉化令時同鄉沈愷爲副憲獻忠與節推楊樞
爲屬吏樞先謁愷侍坐獻忠入趨南坐不少遜愷
意不懌獻忠怒曰而豈以我不能爲陶彭澤耶掛
冠高隱

張寰

寰字允清崑山人登進士仕至通政司叅議強

年坐廢惟務遊覽臨摹法書竟日不倦

目陳淳

淳

字道復後以字行別字復甫長洲人以文學才藝

主劔尊開

卷之六

四

爲時欽卒業國雍大學士楊石齋冢宰陸水村欲
薦留秘閣長揖辭歸所棲曰五湖田舍有茂林修
竹花源柳隩鳴榔鶴圃酒帘漁艇極隱居之勝有

雲林之飄灑而無其癖同石田之高潔而通於和
倪瓚字元鎮無錫人處士強學好修性雅潔崇恬
退見義則爲所居閣名清閼幽迥絕塵中有書數
千卷古鼎彝法書名畫陳列左右松桂蘭竹梧菊
之屬敷紆繚繞其外高木老藤蔚然深秀自號雲

林逍遙容與詠歌以娛客至笑語留連竟夕乃已
作畫蒼勁妍潤尤得清致奉幣贊求者無虛日卒
年七十有四

馮元成云萬伯修以武節著而文最高以通才稱而
操最固以勁心運而中最厚道最廣燕裘趙劒吳
歛楚詞芬芳流風清美餘韻使我與叅下坐亦臭
味耶

萬世德字伯修偏頭所人登進士官至右都

御史總督薊遼

文子悱云馮元成能文不難其不輕爲文則難能施
不難其不妄爲施則難

李子成告孫文融曰

李世達字子成號漸菴涇陽人

年十二夢謁高皇帝授一明珠曰善自珍之成進
士爲吏部郎品藻人群百不失一不以身格爲軒
輊歷左都御史掌都察院事舉行回道考察例甄
別御史臺中改覲易慮且申明憲典俾撫巡下吏
無得問餽於賄道路里清苞苴弊絕人才臧否良

作疏於巨冊卽窮鄉下吏片長寸善無不知者卒

謚敏肅

隆慶戊辰己巳時蓋三相江陵末也然凡

有大除授多待江陵而決孫曰豈以其勢方張乎
李曰不然此公有斷且藻鑑明所論多中的故每
每從之夫能長百人者必才兼百人者也豈不然
哉孫鑛字文融餘姚人祖燧江西巡撫謚忠烈父

陞南京禮部尚書謚文恪兄鑣吏部尚書銓南京
禮部侍郎銓太僕卿鑣成進士歷南京兵部尚書

情品孤高事業文章卓然當世

徐宗伯

學謨也

道周公瑕有三俗口不艷貴要身

不及郡邑手不持籌算

周天球字公瑕吳縣人弱

冠選隸學宮試輒高等居久之厭帖括一意修古

書名甚著求書翰者如市所受潤筆錢卽斥以市

寶玩書畫性善營軀邃宇靜室小閣疎窗位置閒

雅有山阿之致客至吳羹海錯鉅觥饕餮咄嗟立

辦人目焉俠隱

耿文恪居太宰有譽公可繼端毅者文恪曰王公孰可當之其在位吾夕過其第必見蒼頭沾油

土怒

字宗貫三原人貌豐而見骨啖食兼數人成進士
改庶吉士出爲評事弘治間爲三吳巡撫常州監
生湯桑以中旨取其鄉人段銓家古書截江網及
刻絲觀音羅漢恕奏免之官至吏部尚書以直諫
重天下凡朝事有所不可人必曰王公疏且至矣
恕疏果至時爲謠曰兩京十二部獨有一王恕公

卿大臣皆側目大學士丘濬都御史吳貞主使太醫院判劉文泰奏恕矯詐强悍妄行選補御醫吏目非故事及託人作傳而鏤行之以彰先帝拒諫之失恕辯乞休許之家居每夜書燈達旦不想倦則眠覺卽誦讀卒年九十三贈太師謚端毅子承裕南京戶部尚書有學行

時人目曾魯以舌爲筆宋濂以筆爲舌

魯字得之新

淦人泛濫史籍悉能言之有叩之者如山川出雲

疊敷層見至正間天下大亂集里中豪保障一方
人號曰君子鄉洪武初起修元史遷儀曹主事超
拜禮部侍郎

桂彥良授晉王府右傳陞辭上曰江南大儒惟卿一

人彥良字德稱慈谿人洪武中應薦召授太子正

字擢右傳既致仕條陳十二事名曰萬世太平要

策對曰臣不敢當宋濂劉基基字伯溫青田人應

進士舉授高安縣丞間閱書肆有天文書因閱之

卽背誦如流歷江浙儒學副提舉移文去隱居力
學嘗遊西湖有異雲起西北諸同遊者以爲慶雲
基大言曰此天子氣應在金陵時無能知基者惟
新都趙天澤深奇預識以爲孔明之流屢起屢歸
著郁離子高皇帝命孫炎聘基遂詣金陵密定征
伐之計贊成大功爲太史令拜御史臺中丞案劾
中書省都事李彬與丞相李善長大忤辭歸召赴
京師授弘文館學士進封誠意伯剛毅慷慨于理

江西參政

宋景濂稱鐵崖君聲光殷殷摩宴霄漢

楊維禎字廉

夫號鐵崖會稽人元末擢進士第仕至江西等處
儒學提舉洪武中應聘至京僅百日謝病還雲間
著書數百卷晚年曠達戴華陽巾披羽衣泛畫舫
吹鐵笛當酒酣呼侍兒出誦自倚鳳琶和之或加
詬讓亟罵曰昔張籍見韓退之退之命二姬合彈
箏琶爲樂爾謂退之非端人耶遠近皆知禎爲寬

厚長者

馮恩

恩字子仁由進士歷行人御史論斬母吳擊登

聞鼓訟寃子行可年十四刺臂血書疏乞代死肅

皇帝憐之命法曹再議詔免死戊雷州釋歸穆皇

帝卽位卽家拜大理寺丞

比元論汪鉉

鉉婺源縣

人舉進士仕至吏部尚書兼兵部尚書有幹局內

行修潔執憲秉銓多所建論然善窺時好爲取舍

卒謚榮和

復倣范希文百官圖例悉品諸大臣得

失詞甚峭厲

宋范仲淹字希文吳縣人二歲從母

更適朱氏既長泣辭母去之應天府刻苦讀書舉
進士第歷司理叅軍節度推官始迎母歸養還姓
更名爲秘閣校理每感激論天下事嘗自誦曰士
當先天下之憂而憂後天下之樂而樂一時士大
夫矯厲尚風節自仲淹倡之疏請太后還政召爲
右司諫權知開封呂夷簡不悅罷知饒州累進龍
圖閣直學士知延州降戶曹員外郎知耀州遷環

慶路經畧安撫緣邊招討使愛撫士卒養威持重
嘗立一軍爲龍猛軍時人目爲龍猛指揮使羌人
親愛呼爲龍圖閣老子邈上謠曰軍中有一韓西
賊聞之心骨寒軍中有一范西賊聞之驚破膽元
昊大懼請和拜樞密副使進叅知政事取班簿視
有不才監司姓名一筆勾之以次更易富弼素以
丈事仲淹謂曰六丈則是一筆焉知一家哭矣仲
淹曰一家哭何如一路哭耶知軍晁仲約迎勞約

盜富弼欲正法仲淹爭于上前有之密告弼曰
宗未嘗輕殺臣下此盛德事奈何輕導人主以誅
戮他日手滑雖吾輩亦未敢自保也及弼按河北
還未測朝廷意比夜彷徨遶牀嘆曰范六丈聖人
也行邊請罷政事歷數州遷戶部侍郎徙青州病
卒贈兵部尚書謚文正仲淹內剛外和好施予置
義莊以贍族人語諸子弟曰宗族固有親疎然吾
祖宗視之均是子孫吾安得不恤其饑寒又曰親

戚及閭里知舊見我生長幼學壯仕爲我助喜我
何以報之哉政尚忠厚所至有恩領浙西吳中大
饑荒政甚備乃縱民遊宴又公私興造發有餘之
財以惠貧者是歲浙西晏然民不流徙汎愛樂善
才俊士多出其門下在睢陽掌學有孫秀才者索
遊上鵞仲淹贈錢一千明年孫生復謁又贈一千
因問何爲汲汲於道路孫戚然動色曰母老無以
養仲淹曰吾觀子辭氣非乞客僕僕所得幾何廢

學多矣今補于學職月可得三千錢以供養子能
安於學乎孫大喜於是授以春秋孫篤學不舍晝
夜行復修謹明年仲淹去孫亦歸十年間泰山下
有孫明復先生以春秋教授學者道德高邁朝廷
召至乃昔日索遊孫秀才也遇夜就寢卽自計一
日自奉之費與所爲之事果相稱則鼾鼻熟寐或
不然則終夕不安眠明日必求所以稱者子四純
祐蔭守將作院主簿純仁尚書僕射中書侍郎謚

忠宣純禮尚書右丞謚恭獻純粹微猷閣待制上

怒逮下詔獄會審闕門汪以太宰執筆恩不跪辯

甚強項汪怒推案下欲拳恩王廷相正色止之

廷相字子衡號浚川儀封人第進士累官兵部尚書

兼掌都察院事立朝當官奉公履正利害毀譽無

能動搖既罷官歸閉門著述卒贈少保謚肅敏汪

遂以上言大臣德政律署斬恩挺身出不顧觀者
皆嘖嘖嘆口是御史鐵膝鐵口鐵膽鐵骨相傳爲

四鐵御史

聞莊簡拜吏部尚書問諸郎曰先朝太宰孰優對曰
無如蹇忠定王忠肅聞曰固也耿文恪方可否事
少宰從左右贊一辭文恪宣言曰天子建天官一
人耳安得二天官耶宰正百官文恪近之矣

聞淵

字靜中鄞縣人生八年夢一老父據石上持淵踵

相曰爾文王子孫也幸勿忘弘治甲子舉於鄉時
山陰人蕭鳴鳳爲舉首語淵曰文王旣沒周以甲

子興疇昔之夢徵矣舉進士歷刑部主事會部中
失囚淵與同舍郎當坐同舍郎蒲服謁劉瑾淵委
蛇自如瑾曰聞郎貌似夫子遇辱不驚於是朝士
聞之皆稱聞夫子官至刑部尚書改吏部贈少保
謚莊簡

楊中丞

豫孫也

多識前言往行弇州謂一部人物誌

陳仲醇目陸宮保短言可以書紳長言可以補史

仲醇嗜古每見三代秦漢玉輶印而識之董玄宰曰

此可爲群玉府矣

穆天子傳云群玉山先王之所

謂策府

阿魯台歸款欲併東西諸部落聽其約束請朝廷出

誓詞爲盟

阿魯台元宗嫡本雅失理臣降明封和

寧王弒本

雅失理而自立瓦剌脫歡襲殺之

衆議

且從之黃淮言賊勢分易制若併力一心後患滋
大不可許文皇帝善其言顧左右曰黃淮如立高
岡無遠不見爾等如立平地所見惟目前耳

淮字

崇豫永嘉人進士除中書舍人文皇帝命入翰林
備顧問每召語至夜分已而命領內閣累陞少保
戶部尚書武英殿大學士准有識見正色直言人
目准爲太認真

胡世寧

世寧字永清仁和人進士累陞江西副使發

宸濠反謀權奸朱寧陸完等坐世寧誹謗妖言騷
間罪下錦衣獄謫戍四年宸濠果反釋之除湖廣
按察使官至兵部尚書十魯番劫曲先衛人牙木

蘭爲將牙木蘭擁帳內徙歸明土魯番遣使來大
臣卽欲縛牙木蘭與之易哈密世寧議牙木蘭反
正歸順哈密空城懸遠無益事實土魯番善賈多
巧術今欲以哈密爲餌釣大利離貳我屬人正宜
厚牙木蘭以風遠邦報聞世寧朴忠直諒氣壯才
雄逝贈少保謚端敏

李承勛

承勛字立卿嘉魚人

父田都御史兄承恩郎中承芳評事承勛由進士
累官兵部尚書學有源委才無枝柱潔廉自守家

無餘貲贈少保謚康惠

魏校

校字子才崑山人進

士歷國子監祭酒兼太常卿贈禮部侍郎謚恭簡

校恬靜篤實其學主於立本研幾始博終約

余祐

友善相切磨問學時稱南都四君子

祐字子積鄱

陽人幼師餘干胡居仁胡以女女焉登進士累遷

徐州副使進貢內臣誣逮錦衣獄謫南寧府同知

官至吏部侍郎學務備體用兼大小

教文禎云生平所見惟鄧以讚真道學

以讚字汝德

新建人成進士選庶吉士官編修以文章冠冕海
內泠泠抑抑如玉如金還里屢起屢不赴深坐西
山者三十年洞觀天人之際精密廣大高明篤實
或卽事賦言因人立教不數語耳有友問曰道何
似曰難言再問之曰知而言未晚歷官吏部侍郎
贈禮部尚書謚文潔

趙南星真氣節王家屏

家屏

字忠伯大同山陰人成進士選庶吉士授編修累
陞吏部侍郎兼東閣大學士入內閣進禮部尚書

調護建儲豫教廷爭激切顯皇帝終不允因堅臥
求罷歸家屏長身豐順魁然岳立忠誠體國操履
端嚴臨事有執贈少保謚文端子濬初舉省試第
一

沈鯉真平章

鯉歸德人登進士改庶吉士授檢

討萬曆中以禮部尚書召入內閣進少保文華殿
大學士甘清苦重名行止骨嚴顏醇衷博體在內
閣與四明沈一貫不協妖書起言官因借以傾鯉
會訊時皦生光已承伏衆猶不決有御中沈裕口

此事不決縉紳荼毒矣。皦生光外無他人覆訊衆
遂署情真獄乃決。鯉與一貫同時去位脫屣尊榮
咏歌田野不與外事爲德於鄉文章高雅暢達天
下誦之贈謚

楊用修博學梁文康嘆曰

梁儲字叔厚順德人禮闈

第一人廷對第四人翰林仕至吏部尚書華蓋殿
大學士加少師敦重慎默不爲矯亢故群邪用事
從容其間若履坦途贈太師謚文康
用修之強記

子劍尊出

何必減蘇頌乎

宋蘇頌字子容晉江人徙居丹陽

父紳翰林學士出知河中頌舉進士器局宏遠於
書無所不通累官右僕射兼中書門下侍郎務在
奉行故事以太子少師致仕爲時雅德君子卒贈
司空

謝文肅云

謝鐸字鳴治浙太平人進士授編修累陞

禮部侍郎掌國子祭酒事在國學律已率人嚴立
規約籍羨金構書樓贍貧生不私入一錢請從祀

楊時斥吳澄條上教人斂才之術致仕家居喜著述收綴方正學遺文行於世嘗曰明太祖有度越歷代者五事攘克大都收復諸夏也肇基南服統一天下也威加勝國鋒刃不交也躬自勑業臨御最久也申明祖訓家法最嚴也卒贈尚書謚文肅黃孔昭在文選每見其喜則知賢者之得進見其憂則知小人之不得退

孔昭初名曜以字行改字

世顯太平人執友建寧守賀汝薦其賢孔昭嘆曰

士有誌用世乃藉人薦舉耶刻苦讀書舉進士歷
工部主事員外郎調吏部陞文選郎中常曰國家
之用才猶農家之積粟粟積於豐年乃可以濟饑
才儲于平時乃可以濟事官至工部侍郎贈禮部
尚書謚文毅子備亦爲文選郎中備子綰官生歷
官禮部尚書

彭惠安

彭韶字鳳儀莆田人第進士積官刑部尚書

林俊稱韶方不忤物廉不近名卒贈太子少保謚

惠安

作王翱贊云淡然無欲不識姜姬而况苞苴

孰我敢施古三不惑

洪楊震子太尉秉曰我有三

不惑謂酒色財也

於公見之論者謂爲知言

石文介爲諸生時與兄俱有文名

石玠與弟同登進

士久歷邊陲習諳戎務人爭盡力累陞戶部尚書

忤錢寧賜骸歸

李文正每曰諸後進可托以柄斯

文者其石氏季方乎

陳紀字元方陳謨字季方皆

太丘長許昌陳寔子也高名並著每宰府辟召羔

鴈成群世號三君百城皆圖畫

薛家相云

薛國觀字家相韓城人登進士授萊州推

官奉職守法以公明稱考選給事中昌言義色風

采凜然而心存恕厚未嘗察察求人之過累陞左

僉都御史寅畏整肅愆度一新諸御史咸敬服烈

皇帝每召平臺議事國視從容應對時有敷陳上

心重之擢禮部侍郎東閣大學士進至少保吏部

尚書武英殿大學士因事納忠隨材器使爲近世

資輔督師大學士楊嗣昌建議增設戶部侍郎二
員督餉國觀曰官期得人何必增設上怒詰責甚
厲國觀素與東廠太監

不協至是

乘

隙執內閣制勅房尚寶司司丞王陞彥嚴刑拷掠
使誣國觀賊私鎮撫司刑部皆媚軟竟不能雪賜
死寺中國觀操行修潔剛正足以任事以尚氣故
忤中貴人殞其身天下莫不悲之

天下無事所重

只一冢宰有事只一大司馬明朝兼長者前惟馬

鈞陽

馬文升字負圖鈞州人貌瑰奇多旅力與群

兒戲角之靡不什者登進士歷官至大理卿憂去
固原土胡滿四反起都御史巡撫陝西討擒四尋
節制三邊召入爲兵部侍郎出總遼東軍務制五
花營八陣圖訓士巡撫陳鉞誘殺貢人由是東人
譁懼爲亂文升往撫剿汪直巡邊鉞乘間讒毀直
奏文升妄啓邊警上遣直及刑部尚書林聰卽訊
請反重慶直鉞敗得復官巡撫遼東仕終吏部尚

昔年八十五卒贈太傅謚端肅文升性介特寡言
笑立朝五十餘年以身殉國不避艱險凡有大事
知無不言長於用兵而念天下方困用兵思所以
休息之不肯輕議戰討雖位極人臣名聞夷夏退
然不敢自居

後惟楊蒲州

楊博別見

焦弱侯推尊卓吾譚及朱平涵不應弱侯曰兄有所
不足耶卽未必是聖人可肩一狂字坐聖門第二
席

江陵柄國時用朱正色爲江陵縣令朱倜儻有俠氣
相府家奴犯者榜繫窮治無所貸江陵深奇之爲
延譽行取朱國禎與人書道江陵卽此一節其賢
於前後相君多矣

正色南和縣人仕至右副都御

史嘗自言逢呂僊曰士夫踐清華者非佛與僊卽
精靈也從仙墮者爽朗有幹濟從佛墮者慈從精
靈墮者貴而貪狠敗類

江陵

翰林目錢與謙爲馳馬

錢福字與謙號鶴灘華亭人

連舉省殿二元授修撰以文著

顧文僖爲看馬

顧

清字士廉華亭人家貧固守省書座右曰毋徇物

而爲所溺毋狎物而爲所乘登進士改庶吉士官

至南京禮部尚書謚文僖

王百穀評汪伯玉文如吳牛喘月畧無神氣衆以爲善譬

王文肅論文推歸太僕

歸有光字熙甫崑山人年六

十始登進士令長興判順德府高新鄭以大相秉
銓拔爲太僕丞直內閣司制勅美風儀性淵沈古
文辭超然名家

其於弇州未嘗措意弇州亦謂文
肅不脫措大氣然文肅奏疏筆鋒迅利一刀見血
四部稿中無是也

何元朗

何良俊字元朗號柘湖選貢授翰林孔目單

心著作宴息處名四友齋四友者維摩詰莊生白
樂天與良俊也晚嗜聲伎寢興必先奏樂著何翰

林集何氏語林四友齋叢說

嘗與趙大洲論及曹

操操小字阿瞞字孟德沛國譙人奄宦曹騰養子

夏侯嵩之子冒姓曹氏自言相國參之後機嘗有

權數任俠放蕩不治行業舉孝廉爲郎累遷濟南

相國徵爲點軍校尉起兵討董卓擊黃巾賊迎獻

帝都許自爲大將軍進位丞相封魏公後子丕篡

漢稱帝尊爲武帝

大洲曰獅子是我西方之獸終

日跳躑無一刻暫休益其猛烈之氣不得舒耳故

與之毬以消耗其氣遂終日弄毬忘其跳躑曹之舉動輕躁亦是其胸中猛烈之氣不得舒也

獬子

狻猊一名白澤似虎正黃有髯尾端茸毛大如斗銅頭鐵色食虎豹

文皇帝書蹇義等十人名命解縉評各疏於下縉評曰蹇義資厚重而中無定見夏原吉有德有量而不遠小人劉儵雖有才幹不知顧義

儵字子奇

陵人父夢天降赤幟上書儵字因以爲名登進士

累遷兵部尚書往剿日南陷國遇害贈少傅謚忠

節
鄭賜可爲君子頗短於才
賜字彥嘉建寧人擢

進士拜御史特命編次成吏行伍衆皆感悅累陞

刑部尚書以憂懇請去位上勉留賜每旦出則正

衣冠視事夕入則易服就位哭奠如儀遷禮部尚

書賜接士有禮御下有恩

李至剛誕而附勢雖才

不端
李銅字至剛以字行舉明經授祠部郎中累

陞叅議文皇帝正大統爲通政陞禮部尚書兼左

春坊大學士爲宋禮所間降儀制郎中終興化知

府黃福秉心易直確有執守

福字如錫昌邑人洪

武中以太學生授縣主簿陞金吾衛經歷上書論

國家大計擢工部侍郎永樂初陞尚書討交趾郡

縣其地兼掌交趾布按二司事洪熙初召還兼詹

事交趾叛再命福往討之福至交人皆下馬羅拜

泣頌宣德初改南京戶部尚書叅贊守備機務文

皇帝嘗命福與蹇義等夾福不能帝曰何爲不能

福曰臣幼時父師嚴惟教臣讀書不令臣奕是以

不能

陳瑛刻於用法好惡頗端

瑛滁州人殘忍刻

薄洪武中以人才貢入太學擢御史歷按察使坐

通藩邸謫廣右文皇帝召爲左副都御史習院事

言宜追戮效死建文者黃觀廖昇王叔英周是修

王良顏伯偉等帝曰舉義共討姦臣不過齊黃數

輩其二十九人多宥而用之況數人又不與二十

九人之數彼食其祿自盡其心悉無問後瑛聞方

孝孺等獄詞簿錄視叔英家妻女皆將給配妻女
俱自溺死陞左都御史掌院事帝嘗謂其直值三
殿災言官多云建都北京不便帝曰遷都吾與大
臣密議而行因命言者與大臣門前對辯瑛言
言官白面書生不加大計帝命左右呵罵言官夏
原吉曰言官應詔陳言不宜深罪帝乃兩宥之

宋

禮慝直而苛人怨不恤

禮字大本永寧人國子生

授按察僉事累陞工部尚書永樂初漕運江南糧

自海運者踵元之舊由太倉直沽達京自河運者
由江入淮至陽武發山西河南丁夫陸運至衛輝
入河舟運達京海險陸費至是從濟寧州同知潘
叔正言命禮濬復元會通河故道禮築壩汶上之
戴村遏汶東流令盡出於南旺分爲二水南接徐
沛北達臨清南北遂通卒於官南旺建祠祀之以
共事刑部侍郎金純都督周長配
陳洽疏通警敏
亦不失正
洽字叔遠武進人用薦歷文選郎中吏

部侍郎遷大理屢平交趾屢往鎮之陞兵部尚書
仍勅領交趾布政按察兩司仍叅軍事宜德初叅
贊討叛寇黎利師潰自刎死贈少保謚節愍命子
樞爲刑科給事中

方賓簿書之才駟僧之心

賓錢

塘人太學生授刑部試郎中改兵部革除中署應
天府事坐累謫戍以茹瑺薦召復兵部郎中文廟
靖難執尚書齊泰赤其族賓迎駕遂進侍郎尋進
尚書以通敏稱建議勅遣大臣分行各處選取民

聞夷健子弟二萬以備侍衛悉隸府軍前衛立千
戶所領之年至六十疎放仍於本處選補人所苦
之夏原吉約同諫親征上怒賓懼自縊上益怒戮
其屍駟僧會兩家買賣者

高拱嘗與張居正相期約他日苟得用當爲君父共
成化理居正曰若撥亂世反之正創立規模令下
便有條理堂堂之陣正正之旂卽時擺出此公之
事吾不能也然公才敏而性急若使吾贊助在旁

效韋弦之義亦不可無聞者以爲確論

董安于性

緩佩弦以自急西門豹性急佩韋以自戒

馮元成云邢子愿盛節厚衷絕不似屠緯真韋浮薄

恣肆

邢侗字子愿臨邑人進士歷太僕卿博識好

學善書畫時人皆欽慕仰愛之

陳伯求燕京馬上詠一聯云九陌風塵消短景三江

雲樹隔長安語馮元成此似高叔嗣否

叔嗣字子

業大梁人讀書尚古官至按察使

馮曰桓溫之擬

太真稍有所恨陳慤然而去

桓溫別傳曰溫字元

子譙國龍亢人漢五更桓榮後父襲有識鑒溫少
有豪邁風氣爲溫嶠所知累遷琅邪內史進征西
大將軍鎮西夏時逆胡未誅餘燼假息溫親勒郡
卒建旗致討清蕩伊洛展敬園陵薨謚宣武侯虞
預晉書曰溫嶠字太真大原祁人少標俊清徹英
穎顯名爲司空劉琨左司馬是時二都傾覆天下
大亂琨聞元皇受命中興忼慨幽朔心存本朝使

嶠奉使嶠喟然對曰嶠雖乏管張之才而明公有
桓文之誌敢辭不敏以違高旨以左長史奉使勸
進累遷驃騎大將軍

或問皇甫子循王元美優劣

皇甫字子循父錄重

慶守兄濬按察僉事京濂興化府同知沔成進士

爲詩文沾沾自喜好聲色而不能通知戶外事以
故數爲言路所窘累官按察僉事

黃貞父曰

黃汝

亨字貞父仁和人學憲

子循如齊魯變可至道元

美如秦楚強遂稱王

魯周武王弟周公旦不就封

留佐武王世子伯禽封侯於曲阜齊姜姓四岳伯
夷佐禹治水有功賜姓又曰呂侯其後尚窮困年
老釣于渭水之濱西伯過之與語大悅曰吾太公
望子久矣號之曰太公望爲文武師尚父封侯于
齊都營丘秦顓帝裔孫女修之子大業所生栢翳
名大費佐禹平水土有功賜姓嬴十九世生非子
爲周孝王主馬于汧渭之間馬大蕃息孝王分封

爲附庸而邑之秦號曰秦嬴至始皇併天下呂昌
嬴姓秦亡楚芊姓顓帝四世重黎弟吳回之後嗣
重黎爲祝融之官生陸終有六子其六曰季連苗
裔鬻熊爲周文武師曾孫熊繹成王封于荊蠻其
後都郢國號楚

王暘谷云

王叔杲字陽德號暘谷居士永嘉人父徽

叅議兄叔果副使叔杲明冒天下大計舉進士強
力守官官至叅政歸葦丘介園晨夕偕兄弟賓客

置酒高會自度曲爲新聲授童子奏之

甘泉行鄙

湛若水字元明增城人自少知學從白沙遊成進士選庶吉士累官南吏部尚書學者稱甘泉先生平生足跡所至必建書院講學授徒倣大學衍義補作格物通

陽明行疎自二羅以後講學者措之

政行徃徃不滿人意

羅洪先羅汝芳字惟德號近

溪南城人少從新城張洵水學洵水每謂人須力追古人于是一意以聖學自任舉進士仕至叅政

師事顏山農終身不衰嚮田援梁夫山北面師胡
宗正人已物我渾然無間鄒元標曾疏汝芳云惟
道是慕功名富貴不入其心逢人必誨貴賤賢愚
不知其類門人私謚曰明德

李廷機爲祭酒

廷機字爾張晉江人幼稟氣薄筋浮

晴露十一歲塾師以狀元宰相命題破曰名魁天
下之選身近天子之光萬曆中登進士第二授編
修累陞禮部侍郎署部事四年進尚書兼東閣大

學士有煩言乞身歸著皇明閭史

方從哲爲司業

從哲錦衣衛人進士官至吏部尚書建極殿大學

士國子爲之語曰方中函

方號中函

函容君子李

廷機機械小人

馬昊好功名討松潘夷不勝逮下獄罷免

昊字宗大

關中人長身驍捷善騎射舉進士爲御史謫真定

惟官再用前罪謫判開州吏士伏闕上言昊稱保

障甚宜真定請勿謫詔許之擢按察僉事平蜀盜

進僉都御史撫蜀累進右都御史

胡世寧撫蜀亦

欲平松潘夷曰吳長用兵輕用其長故敗臣短用
兵重用其短必勝

鄭曉曰山西三傑喬宇以德量勝

宇字希大樂平人

祖教工部侍郎父鳳兵部郎中宇中進士授禮部

主事累遷南京兵部尚書時烏思藏傳聞國西有

童子記其前生事以爲活佛上遣使迎之宇極諫

寧藩告變戰守之具甚備都城獲安拜吏部尚書

爲詩文不蹈襲自成一家嗜山水通篆籀晚精鑒
賞名書古帖一見卽知

王雲鳳以節槩勝

雲鳳字

應韶和順人號虎谷父佐南京戶部尚書雲鳳舉
進士除禮部主事疏却貢獅子歷員外郎中奏天
下郡縣皆立名宦鄉賢兩祠爲後人式聖駕郊天
雲鳳駕後騎馬下獄謫知陝州累陞僉都御史清
理浙江鹽法乞致仕歸

王瓊以才畧勝

瓊字德華

號晉溪太原人舉進士穎敏默識多計算官至吏

部尚書瓊治漕理鹽督餉策兵精練明察鎮定制
變勲績足法先後平大盜劉六趙鋌藍鄔江西饒
源華林瑪瑙敗賊贈少保謚恭襄

世論梁谿諸人顧涇陽充養完粹學問深純

顧憲成

字叔時學者稱涇陽先生幼常私書壁曰讀得孔
書方是樂縱居顏巷不爲貧以自傲首應天試登
會試高等授戶部主事再入銓曹與天子宰相爭
是非可否當路不爲累起王山陰遂削籍憲成歸

問學者日衆乃闢東林集同心歲有會月有紀研
辨心體世以爲濂洛更生起光祿寺少卿不出著
十餘稿行世

葉玄室恬淡寡營清修絕俗

葉茂才

字叅之號玄室骨法清削舉進士仕至工部侍郎
於世泊無所嗜而衣服樸整庭宇修潔堂設棹模
榜曰三世無訟

顧涇凡

顧允成字季時號涇凡少

頗好弄已幡然下帷若老生曰恐傷兩尊人心弱
冠舉進士擊房寰仲海瑞削籍歷位光州判從兄

結社互證彙講翼正黜衰時稱顧氏叔季素王功

臣
安我素

安希范字小范號我素仕至吏部主事

上疏奪官歸居山麓喬木數百章碧流千頃常出
乘一畫舫列綺牕圖陶元亮張季鷹蘇端明米南
宮於其上恣其所之樂而忘返卒贈光祿少卿

高

景逸

高攀龍字雲從改字存之號景逸成進士出

高邑趙公門官行人適僉事張世則疏詆程朱欲
易傳註上所著書求頒行天下攀龍上崇正學關

異說疏有關世教又陳時事降揭陽典史歸講學
東林書院起光祿寺丞位至總憲糾貪御史崔呈
芳忤魏忠賢因推山西巡撫謝應祥逐歸起大獄
坐逮赴水死崇禎初贈兵部尚書賜諡忠憲

劉本

孺

劉元珍字伯先號本孺爲兵部主事言事歸歷

光祿少卿

皆誌操超卓而直言讜論足以定國是

補袞闕

胡汝寧見京師食蛙太多上疏乞禁取世目爲救蛙

給事

汝寧南昌人仕至都給事中

同時鄧鍊侍班

一狗誤入朝鍊疏糾之世目爲叅狗御史

鍊南城

縣人歷官太僕寺卿

三楊在內閣各有所長士奇有學行榮有才識溥有雅操

李贄常云宇宙内有五大部文章漢有司馬子長史

記

司馬遷龍門人父談爲太史令遷十歲誦古文

弱冠遊江淮浮沅湘涉汶泗過梁楚以歸太初中

太史令因論李陵得罪幽而發憤修史記劉向

楊雄皆稱其有良史才

唐有杜子美集

杜甫字子

美京兆杜陵人祖審言修文館直學士以詩名父
開奉天令甫少貧不自振客吳越齊趙間李邕奇
其材玄宗朝數奏賦頌高自稱道使待制集賢院
命宰相試文章擢河西尉不拜改右衛率府胄曹
叅軍避祿山亂走三川肅宗立自鄜州欲奔行在
爲賊所得亡走鳳翔上謁拜拾遺出爲華州司功

叅軍棄官去客秦州流落劔南結廬成都西郭召
補京兆功曹叅軍不至會嚴武節度劔南東西川
往依焉表爲叅謀檢校工部員外郎待之甚善甫
性褊躁傲誕嘗醉登武牀瞪視口嚴挺之乃有此
兒挺之武父名武欲殺甫集吏于門武將出冠鉤
於簾三左右白其母奔救得止大曆中客來陽遊
嶽祠大水遽至涉旬不得食縣令具舟迎之乃得
還醉辛甫傳覽群書善爲詩歌涵渾汪洋千態萬

狀至陳時事律切精深世號詩史元稹謂詩人以
來未有如子美者

宋有蘇子瞻集

蘇軾字子瞻

山人父洵字允明校書郎學者號爲老蘇軾博通
經史爲文渾涵光芒雄視百世器識閎偉議論卓
犖舉乙科累官知湖州御史舒亶言軾作歌詩譏
切時事詔繫獄宰臣王珪言軾有不臣意因舉軾
詠檜詩根到九泉無曲處世間惟有螭龍知之句
上曰彼自詠檜何預朕事珪語塞直舍人院王安

禮乘間救之遂薄其罪以黃州團練副使安置軾
幅巾芒屨與田父野老相從溪谷之間築室於東
坡自號東坡居士爲侍讀常鎖宿禁中召入對便
殿命坐賜茶徹御前金蓮燭送歸院知杭州積葑
田爲長堤葑田去而行者便復植芙蓉楊柳於堤
上望之如圖畫杭人名蘇公堤官至禮部尚書兼
學士提舉成都玉局觀致仕卒謚文忠嘗云性不
喜殺生時不免殺自下獄得脫遂不復殺一物非

有所求覲但已親經患難不異鷄鶩之在庖廚不復以口腹之故使有生之類受無量怖苦爾

元有

施耐菴水滸傳

故老傳聞明洪武初越人羅氏爲

此書一百回各以妖異語引其首嘉靖時郭武定重刻其書削去致語獨存本傳田叔禾西湖遊覽

誌又云此書出宋人筆

明有李獻吉集或謂弇州

四部稿較弘博贊曰不如獻吉之古

王大成侍坐唐荆川因問王陽明陳白沙優劣荆川

曰吾人於二先生且學他好處未可優劣少間曰
白沙久在林下所養較純

陸樹聲云殷邁

邁字時訓南京人自筮仕至禮部侍

郎更四十年計其在官之日僅十三氣貌淳靖學

究本原

坐鎮雅俗似房次律

唐房琯字次律河南

人父融聰慧好佛以正諫大夫同平章事琯少好

學風度沉整張說奏爲校書郎頻遷憲部侍郎玄

宗幸蜀琯馳謁拜文部尚書同平章事奉冊露武

見肅宗具言上皇傳付意請自將平賊每咤曰彼
曳落河雖多能當我劉秩乎大敗帝宥之此時兩
京陷賊車駕出次外郊琯爲相欲從容鎮靜以輔
治之但與庶子劉秩等高談虛論說釋氏因果老
子虛無此外則聽董廷蘭彈琴大招集琴客筵宴
延蘭藉勢數招賅謝爲有司劾治琯罷爲太子少
師封清河郡公出爲邠州刺史終刑部尚書贈太
尉

急流勇退似錢宣靖

宋錢若水字澹成河南新

安人爲舉子時於華山見陳希夷與一老僧擁地
爐坐希夷謂若水有仙風道骨僧熟視若水不語
以火箸畫灰作做不得三字徐曰急流中勇退人
也舉進士爲同州推官善決疑獄屢遷樞密副使
以母老求退罷爲集賢院學士尋判吏部流內銓
知開封府出知天雄軍拜并代經畧使卒贈戶部
尚書若水推誠待物輕財好施精術數嘗遇異人
傳相法其事甚怪後以傳楊億故世稱二人有知

人之明

洞明宗要則楊欠公

朱楊併無爲人官禮

部員外郎自號無爲子

晁太傅

宋晁迥字明遠清

豐人舉進士景祐中爲翰林學士詔令多出其手

以太子少傅工部尚書致仕年八十一召燕太清

樓卒謚文元迥性樂易寬簡服道履正著翰林集

三十卷道院集十五卷法藏碎金十卷

高皇帝欲相楊憲劉基以爲不可帝怪之基曰憲有
相才而無相器夫宰相者持心如水以義理爲權

衡而已無與今憲不然能無敗乎

憲字希武賜名

畢太原陽曲人少從父宦寓江南上克金陵進謁
令居幕府累遷中書左丞美姿容有才辯熟於典
故而深刻妒忌同列張昶閒暇言吾元臣也意不
能忘故君憲因謂昶謀叛坐誅欲市權乃創爲一
統山河花押以示僚吏觀其從違附已者卽不次
超擢否者去之一日以示陳輕輕曰押字大貴所
謂只有天在上更無山與齊者也憲喜奏輕翰林

待制其專恣多類此教御史劉炳劾奏汪廣洋左
安禮等罪上覺其誣劉基發其奸狀伏誅

帝曰汪

廣洋何如基曰此褊淺觀其人可知

廣洋字紹宗

高郵人工爲詩歌善篆隸大書遊寓太平上渡江
廣洋入見留幕下爲元帥府令史官至中書省右
丞相進封忠勤伯爲人寬和湛酒色居相位容默
依違御史中丞涂節言劉基病胡惟庸挾醫往視
飲以毒藥死廣洋知狀上問廣洋廣洋曰無是事

上責廣洋欺罔貶居海南復遣使赦責之廣洋慚

懼自縊

帝曰胡惟庸何如基曰此小犢耳將資轅

而破犁矣未見其可也

惟庸定遠人雄爽有大畧

而陰刻險顰起家寧國令饋李善長黃金二百兩

得召入爲太常少卿累遷右丞相大納貨賂酬報

睚眦上以中書違慢數怒切責惟庸懼乃計曰主

上魚肉勲舊何有我耶死等耳寧先發母爲人束

死寂寂約日本王令舟載精兵僞爲貢者及期府

中執上度可取取之不可則掠庫物泛舸就日本
因僞爲第中甘露降請上臨幸上許之中貴雲奇
告變上登城樓望其第藏兵甚衆發羽林掩捕之
考掠其狀磔於市夷三族誅其僚屬黨與凡萬餘
人罷丞相官

王忠文進平江西頌高皇帝覽之曰學問之博卿不
如宋濂才思之雄宋濂不如卿

王禕字子充義烏

人元末隱青岩山明初徵署中書省掾取故實爲

四言詩授太子累官翰林待制往諭雲南梁王不
屈被害子紳走求父骸不得述滇南慟哭記正統
中贈祿學士謚忠文祿在史局一日渴甚謂宋濂
曰得昨上所賜漿漿吾渴濟矣中官竊聞之言於
上卽命賜之

客自滇至濟南濟南問金齒起居

金齒雲南永昌郡

客客曰楊用修繡口錦心就如陳公甫光風霽月

濟南目攝客遂拂衣行

孫文融謂不論何事出弁州手便令人疑非真

陳玉叔品圓眼

圓眼一名益智亦名蜜脾白仲荔枝

荔枝一名離枝又名丹荔樹似青木香熟時人未

采則百蟲不敢近人纔采之易身蠅蝟之類無不

傷殘之也故采荔枝者必日中而衆采之一日色

變二日味變洪邁夷堅誌云莆田荔枝名品皆出

天成雖以其核種之亦失本體形狀百出不可以

理求也

質之王敬美王曰直堪作奴耳客有以側

生旁挺比王家兄弟者玉叔謂次公方並駕何堪
此語

董玄宰裁鑑通明書畫展軸未半便能別識好醜真
僞偶一品題懸筆立就皆點胸銘心之語

楊文懿曰子房不見詞章

漢張良字子房其先韓人

家世相韓秦滅韓良爲報仇與客狙擊秦皇帝博
浪沙中誤中副車良乃更名姓亡匿下邳圯上老
父授太公兵法一編曰讀此則爲王者師矣後見

穀城山下黃石卽我公遂去良因佐高帝滅秦定
天下封留侯性多病從帝入關卽道引不食穀社
門不出卒謚文成侯良計魁梧奇偉其狀貌如婦
人採女始所見圯上老父後穀城山下果見黃石
良死并葬黃石塚子不疑代侯

喬孫僅辦符檄

唐

房玄齡字喬孫臨淄人父彥謙仕隋爲監察御史
終涇陽令貞道守常介然孤立玄齡幼警敏貫綜
墳典書兼草隸年十八舉進士坐累太宗徇渭北

杖策上謁一見如舊爲府記室從征伐獨收人物
致幕府軍符府檄駐馬卽辦累官尚書左僕射進
司空封魏國公居相位十五年夙夜勤彊任公竭
節不欲一物失所無媚忌議法處令務爲寬平李
絳爲民部尚書玄齡惟稱絳好鬚帝遽改之有男
子上急變告玄齡帝令腰斬其妻任類如此治家
有法度慕古今家誠書爲屏風令諸子留意蒙瞻
太尉謚文昭子遺直嗣次子遺愛無學有力尚高

陽公主公主經遺重罪高宗誅遣愛公主賜死

劉

誠意勲業造邦文章傳世可謂千古人豪

孝宗勵精圖治

帝諱昀愷憲宗第三子弘治十八年

崩謚爲敬皇帝

凡國家大事召見輔臣面議劉健

確直李東陽敏達謝遷方質三人同心時人語曰

李謀劉斷謝尤侃侃

遷字于喬餘姚人舉進士第

一累官戶部尚書謹身殿大學士清白剛毅始終

不渝卒贈太傅諡文正子丕進士及第官至太常

王翕車田

少卿兼侍讀

于文定云苟端肅有德望楊襄毅有才望

楊博字惟

約號虞坡蒲州人父瞻按察僉事博登進士授知縣歷兵部主事員外郎郎中故相翟文懿奉命圍邊博參幕府每過城邑山川輒登望觀其形勢險易問土俗好惡士卒多寡勇怯皆疏記之在職方六年賊數寇邊博懸度立斷悉中機宜累官少師吏部尚書博通悟豐雅果敢有膽識事敏達長於

應變與人言無隱情談說古今品第人物數暢談
博聽者忘倦歷官四十餘年而親戎事者十之七
及宰天官拔忠賢抑浮競勲名赫赫卒贈太傅謚
襄毅男五人俊民戶部尚書俊士進士俊彥官生
俊卿錦衣衛指揮使俊臣官生

陸文定有清望

倪鴻寶嘗論明文曰文章最尊在澹新安

汪道昆也

韶令近世說

世說新語宋劉義慶撰

有澹之態不

如瑯琊宏恣近左國

左丘明因春秋作傳將傳春

秋先采集列國策書國別爲語

有澹之才又不如

歷下典凝近西漢有澹之骨又不如北地高灝近

先秦有澹之體顧此數豪猶不如漳江

黃道周也

奧清近六經者有澹之神性

天啓之季環節雲流南北二龍俱興於位二公之道

異趨同歸趙公

南星也

救時而急事功鄒公

元標

別見

正本則尊理學

張元禎語陸深曰

元禎深別見

余自少登朝見士大

夫凡三變初講政事後講文章今則專講命

李總漕

李三才通州人性驕恣爲總督漕運戶部尚

書嘗計殺稅璫陳增爲衆正所宗

語顧涇陽云伍

袁萃輕信浮言借名博利

馮具區

夢楨號別見

築精舍於孤山買舟西湖二女

侍歌舞不能飲惟焚香煮茗不甚教子每歎曰人生自性苦苦督訓費物力供師友真癡人也評者曰拋却富貴易并忘子孫難

太祖選官慎重三儒者同赴召見於便殿上問在家
何業一對曰臣業農上曰亦知禾麥之節有不同
乎對曰禾歷三時而穫故三節麥歷四時始成故
四節上曰是能知稼穡艱難者擢知州一對曰臣
業醫上曰亦知蜜有苦而膽有甜者乎對曰蠶釀
黃連花則蜜苦猿猴食果多則膽甜上曰是能格
物者擢太醫院使一對曰臣業訓蒙上曰爾亦有
好惡乎對曰人之善者好之其不善者惡之上曰

是能明理者推國子監助教

江陵曰武弁解爲三獸不解讀書股軍臂則虎而翼
鬻當路則狐而媚至於逢大敵則鼠而竄耳

太倉與吳縣

申時行別見

同太拜吳縣逍遙太倉愁

苦人問異處安在朱平涵曰不見羅漢坐中有坦
腹哆口者有攢眉淚欲墮者各有和法各有趨向
不得論異同也

左浮丘

左光斗字共之號浮丘又曰滄嶼桐城人成

進士善屬文累官左僉都御史草列魏璫忠賢罪
疏謀泄矯旨斥逮詔獄坐妄議移官又受遼撫及
屯吏金飛賊二萬鴈刑追比與楊忠烈同日死世
稱曰楊左楊右云崇禎初贈右副都御史太子少
保官一子子祠謚

言李伯紀爭事不知爭人事失

易救人失難回

宋李綱字伯紀無錫人舉進士仕

徽欽高三朝官至宰相誌存強國條議鯁峭終知
潭州荆湖南路安撫大使卒贈少師諡忠定綱負

天下之望以一身用舍爲社稷生民安危雖身重
不用用或不久而其忠誠義氣凜然動乎遠邇每
宋使至燕山必問李綱趙鼎安否其爲遠人畏服
如此

林鏐爲撫州知府

鏐永樂間進士爲上猶令寧海州

守有善政吳康齋大書金井玉壺水以褒之

乞致

仕歸其友戴弘齡素慎許可稱林有四知僉曰楊
震故事乎

後漢楊震字伯起弘農華陰人八世祖

喜赤泉侯高祖敬丞相安平侯父寶隱居教授震
好學明經博覽諸儒爲之語曰關西孔子楊伯起
常客居於湖不答州郡禮命數十年有鶴雀銜三
鱸魚飛集講堂前都講取魚進曰蛇鱸者卿大夫
服象也數二者法三台也先生自此升矣年五十
始仕累遷東萊太守道經昌邑故所舉荊州茂才
王審爲令謁見夜露金十斤遣震震曰故人知君
君不知故人何也審曰暮夜無知者震曰天知地

知子知我知何謂無知密愧而出故舊長者令其
爲子孫開產業震曰使後世稱爲清白吏子孫以
此遺之不亦厚乎安帝時官至太尉疏諫切至內
倖忿恚遂共譖震夜收太尉印綬遣歸本郡震行
至城西夕陽亭慷慨謂其諸子門人曰死者士之
常分吾蒙恩居上司疾奸臣狡猾而不能誅惡嬖
女傾亂而不能禁何面目復見日月因飲鴆卒順
帝卽位內倖誅死震門生虞放陳翼追訟震忠乃

下詔除二子爲郎以禮改葬先十餘日有大鳥高丈餘集震喪前俯仰悲鳴淚下沾地五子自震至彪四世太尉德業相繼

戴曰更有進者知縣知州

知府又知足

黃諫

諫字廷臣蘭州人及第三人累官翰林侍講學

士博學多藝工書尤長八分子琳吏部員外郎供

事內閣

好品評泉水自京城論之文華殿東大庖

廚井爲第一作記每進講退食必啜廚井水所烹

茶或寒暑能講則飲數杯曰暫與汝辭

侯應琮

應琮字獻之杞縣人父千趙巡撫山西都御

史有重名應琮少好學周覽百氏善爲文章登進士仕至真定知府以精敏立名舉措中和折節待士所至士就之如歸

初見吳興服食帖驚愕咋指

謂遂能造此妙境既讀跋尾知爲臨右軍筆也愀然嘆佛菩薩地分不同若此

佛者覺也自覺覺他

覺圓滿故教主尊極名佛梵語菩提薩埵此云覺

玉劍尊開

卷之六

五

有情欲畧其文便於稱呼故云菩薩在衆生有情之中乃覺悟者也菩薩受佛教法未能盡絕情想故佛獨謂之覺而不謂之有情菩薩謂之覺有情而不得獨謂之覺

耿叔臺

定方號

侍郎謂其子曰世上有三箇人說不

聽難相處子問爲誰曰孫越峰

鑑號

李九我

廷機

號

與汝父也

一達官遇王敬美曰尊兄

元美也

文字佳天下畢竟

何如曰河下皂隸耳蓋謂隨便荅應沒甚緊要關係也

玉劒尊聞

卷之六